


Lindenthaler



nua a
rock'n'roller



Musicians:

Voc: Erich Lindenthaler, Sabine Stieger (4,7,10)

Keyboards: Martin Gasselsberger

E-Guitar: Tom Reif (1,2,5,8–14), Erich Lindenthaler (3,4,6,7,12), Oliver Loy (4,7)

Ac.-Guitar: Tom Reif (2,5,9,10,11)

Mandolin: Tom Reif (9)

Bass: Klaus Kircher (1,2,5,8–14), Peter Gruber (3,4,6,7)

Drums: Christian Lettner (1,2,5,8–14), Willy Hackl (3,4,6,7)

Harp: Sepp Schwarz (2,12)


Saxophone: Andreas See (13)

Songs written and composed by Erich Lindenthaler

Recorded, mixed and mastered by Reinhard Brunner at ATS-Records
except: 8 recorded at Downhill Studio

Produced by Erich Lindenthaler

Cover Photos and Design by Joachim Bergauer







1 tanz fia mi
2 noa fia jedn | fooled man
3 nua a gspusi | uptight
4 solong i leb
5 i sitz in meiner hausbar | sitting in the housebar
6 he dorothee | miss lorraine
7 wia a tsunami | come uno tsunami
8 narrisch auf'n blues | nothing but the blues is gonna turn me on
9 froh dass' di gibt
10 guade freind | your lover man
11 woatn auf di | waiting on you
12 he hans | hey john
13 schau, schau, schau | look, look, look
14 wonn i di rockn hea | i can really rock

IC 7352 CD-0973


**ATS
RECORDS**
www.ats-records.com

©+© 2021 ATS Records. All rights reserved.
Unauthorized copying, reproduction, hiring, lending,
public performance and broadcasting prohibited.



9 005216 009732





nua a
rock'n'roller

01 - Tanz fia mi

Woat mei Dirndl, woat ned auf mi
Woat mei Dirndl, woat ned auf mi
Sing mei Dirndl, sing die Melodie

Trink a Viertl, trink a Glos auf mi
Trink mei Dirndl, trink an Schnops auf mi
Sing mei Dirndl, sing die Melodie

Geh ned aussì, geh ned fort auf'd Nocht
Geh ned aussì, geh ned fort auf'd Nocht
Bleib daham und tua was'd gern mochst

Bleib daham und tua was'd gern mochst
Bleib daham und tua was'd gern mochst

Kumm mei Dirndl, I woat auf di
Kumm mei Dirndl, I woat auf di
Drum mei Dirndl, kumm und tanz fia mi

Kumm mei Dirndl, I woat auf di
Kumm zu mir her, I woat scho auf di
Drum mei Dirndl, kumm und tanz fia mi

Kumm mei Dirndl, sing und tanz fia mi
Kumm mei Dirndl, sing und tanz fia mi

02 - Noa fia jedn

I woa a Noa dass i was o'fong mit da
Frau vo mein bestn Freind,
a Rauferei, a brochne Hond und Gfängnis
obndrei
Jetzt bin i wieder draußn, owa i fùh' mi
wia drin,
a jeder schneidt mi, so a Lebn hot kan
Sinn

I bin a Noa fia jedn, an Noan nennans mi,
a Brenna in mein Herz is ois was bleibt
fia mi,
i gspia a Brenna in mein Herz - a grausigs
Gfùh'

Jedn Tog und jede Nocht trink i mein
Whisky pur,
a wonn's mi a beruhigt, i schwöa des Zeig
des setzt da zua
I geh ned aussì, bleib daham, wei kana mit
mir redt,
mei Gwissn quöt mi, owa ändern ko' i's ned

I bin a Noa...

I sing a oide Melodie, des Whiskytrinker-
Liad,
in mein Herz und in mein Hirn füh' i mi
kronk und miad

I sitz in meiner Hittn ohne Freind alla'
mit mir,
die Floschn in da Mittn dass i mi orientier,
hoibla' scho wieder und i hoibtot vo da
Whiskysauferei,
owa Hansi, sog i, loß des Saufn sei'

A Noa bin i...

I sing...

I woa a Noa dass i wos o'fong mit da
Frau vo an guadn Freind,
a Rauferei, a brochne Hond und Gfängnis
obndrei
Owa fia dein Fehler host jo zoiht, gib nix
auf wos d'Leit sogn,
du bist a freier Mensch und fong a neis
Lebn o'

I woa a Noa fia jedn, an Noan homm's
mi gnennt,

des Brenna in mein Herz hot hoff i boid
a End,
des Brenna in mein Herz - hot ois a End

03 - Nua a Gspusi

I geh mit dir ins Kino oder zum Italiener
Handhoitn und a Bussl, mehr is ned zum
Gwinna

Des is jo nett, owa i mecht a bißl mehr,
wonn i wos sog, donn legst di glei quer,
ondrerseits wüst dass i di mog,
owa fia di kummt a koa Gspusi in Frog
nua a Gspusi...

Neilich woa i mit dir in deiner kloan
Wohnung,
i wosch da's gonze Gschirr o' und hoff
auf a Belohnung
A bißl wos is gonga, des gib i jo zua,
owa a bißl wos, des is ma ned gnua,
i wü' di ned hoib, i mecht di gonz,
owa du bist ned zum Hobn, mechtast
söba nua oans,
a Techtlmechtl...

Deine Freindinna hob i nia gseng
und deine Leit kenn in nua vom Redn,
nimmst Sonnenbrün, wonn i mit dir
spazier,
i glaub scho fost, dass'd di genierst mit mir

I geh mit dir ins Kino oder zum Italiener,
Handhoitn und a Bussl, mehr woa do
ned z'gwinna
Seit neilich owa foit ma auf mochst du di
fia mi schena
Trogst de Hoä offn, bist gschminkt, i siag
a Lond,
host neie Sochn o' anstatt dein oidn
Gwond
mechst vo mir wissn wos i gern mog,
owa fia di kummt nua a Gspusi in Frog
nua a Gspusi...
fia di kummt leider nua a Gspusi in Frog...
fia di kummt derzeit nua a Gspusi in Frog

04 - Solong i leb

Solong i leb
- loß mi dir sogn
woaß i genau -

wird mei Herz fia di schlogn
a wonn i amoi
ned bei dir bin
soist nua du an Plotz drin hobn

An jedn Tog
seit i di kenn
donk i an Herrgott
dass er mir di hot gebn
Ois wos i ma
no wünschn tat
des mit uns soi nia vergeh'

Owa monchmoi bin i traurig
wonn du ned bei mir bist
donn hob i nua an Gedonkn
obs'd ned an ondern trifft
Woaß ned wos i glaubn soi
obs'd ned den ondern mogst
owa donn kummst du zu mir zruck
legst dein Oam um mi und sogst

Solong i leb...

Owa heit bin i so traurig
wei i ned bei dir bin
do hob i nua an Gedonkn

ob ned a ondrer di mir nimmt
Woaß ned wos i glaubn soi
obs'd ned den ondern mogst
owa du woatst scho auf mi
und wia i zu dir kumm do sogst

Solong i leb...

Und des soi bleibn
fia olle Zeit
gonz gleich wos kummt
mia bleibn uns trei
A wonn amoi
mia nimmer san
des mit uns zwoa geht nia vorbei

05 - I sitz in meiner Hausbar

I woa jung, i woa dumm, owa rundum
gsund,
jetzt wia i longsom grau
Woit mit'n Kopf durch die Wond ohne
jedn Verstand,
owa heit, heit wissat i's gonz genau

I sitz in meiner Hausbar
drei Whisky ex und Prost
i sitz in meiner Hausbar
drei Whisky ex zum Trost

Ois a Noa, der i woa, vor a poa Joa
hob i an Freind vertraut
Owa der mit mein Göd hot mi um ois
pröt
und i, i hob ma durch die Finger gschaut

I sitz...

Mit die Fraun haut's leider a ned hi'
zmeist san's boid wieder fuat
I glaub dass i des ned verdien
vielleicht bin i afoch nua vü z'guat

Jo i woa vü alloa, owa vor zwoa Joa
woa i mit oana zsomm
De woa nia dahoam, hot mi nua o'glogn
und mi mit mein bestn Freind betrogn

I sitz...

I woa jung, i woa gsund, oiwei in da Sunn,
jetzt bin i bloss und miad

I sitz in mein Loch, no a bißl woch,
und hoff dass ma a amoi was Guads
passiert

I sitz...

06 - He Dorothee

I kenn a hoaße Braut mit Nomen
Dorothee,
hot Göd wia Hei und koane Sorgen
Sie is oiwei guat drauf und nua mehr auf
da Geh
und gibt si's voi als gabats koa Morgn

He Dorothee, wia i auf di steh
He Dorothee, bist jung und sche'

Sitzt in deiner Kistn, bist scho wieder
z'schnö',
du host'n Fuaß nua am Gas
Foahst bei Rot in'd Kreizung, schaut ned
links und rechts,
owa Hauptsoch is, du host an Spaß

He Dorothee...

I woat vor deiner Tir, moch an Noan aus
mir
und du kummst erst hoam in da Fruah
Du woäßt i woat, owa es tuat da load,
du bist afoch nua miad und mechtast dei
Ruah

Donn geh i hoit und wieder amoi is nix
passiert,
koa Tee und a koa Glasl Wein
I steh ma fia di d'Fiaß in Bauch bis uma
vier
und Schädle hob i obndrei

He Dorothee...

I woat...

He Dorothee.....bist z'jung und z'sche'

07 - Wia a Tsunami

So wia a Tsunami - hot's mi oder tram i -
reißt du mi mit dir fort
Kummst wia a Tsunami, wonn i kunnt
denn gang i

mit dir an jedn Ort
Du bist a echter Feger, a richtiger
Aufreger
I siag di auf da Stroßn, vor olle schena
Hosn
host du de Nosn vorn
Du bist a hoaße Nummer, dir komma
ned entkumma,
nua i

I hob a liebe Freindin, die mecht i ned
verliern,
ohne sie füh' i mi einsom, de moant's so
guat mit mir
Sie is a echte Seele vo Mensch und
übahaupt,
owa dem wos i siag kumm i ned aus

So wia a Tsunami...

Na mir ko'st ned entkumma, i hob a Aug
auf di,
i mog ötre Herrn so gern, de homm
oiwei Zeit fia mi
und außerdem homm's Kohle, owa des
zöht ma ned vü,
ois wos i wirkli wü' is Gfüh'

So wia a Tsunami - hot's mi oder tram i -
schluckst mi mit Haut und Hoa
Kummst wia a Tsunami, wonn i kunnt
donn nahm i
nua di und gonz und goa

Ko'st di ned gegn mi weahn, bringst mi
nimmer aus dein Sinn
und z'tiaf scho in dein Herzn bin i drin

So wia a Tsunami...
vo olle schenen Hosn bist du die Num-
mer I
I glaub i moch a Ausnohm - do is jo nix
dabei -
und lad di auf a Heiße Liebe ei'

08 - Narrisch auf'n Blues

I woa jung und ohne Göd,
i woa hocknstad und schoaf auf an Job
Jetzt sitz i in mein Büro
und bin goa ned happy dass i oan hob
Zwoa hätt i jetzt an Haufn Göd,
owa wos i tua taugt ma ned,
bin schoaf auf'n Groove,

narrisch auf'n Blues, gonz narrisch auf'n
Blues

Liaba stand i an da Eckn
und spüat auf meiner Gitarr'
Country, Blues und Rock'nRoll,
auf da Stroßn glaub i wa' i a Star
So a Gedonkn wa' ma zuagebn recht,
verdiena tat i goa ned schlecht,
bin schoaf auf'n Groove

Narrisch auf'n Blues
turnt mi so richtig o',
bin narrisch auf'n Blues
turnt mi so richtig o'

I steh auf'n Blues
und scho mei Lebn long,
bin narrisch auf'n Blues
turnt mi so richtig o'

I woa jung und ohne Göd,
i woa hocknstad und schoaf auf an Job
Jetzt sitz i vorm Computer mit an fadn
Aug,
owa morgn hau i ob
Ko' endlich tuan wos i wü'

und zum Lebn brauch i ned vü,
bin nua mehr schoaf am Groove

Narrisch auf'n Blues...

09 - Froh dass' di gibst

Sooft i aufwoch und an di denk
gfrei i mi dass du bei mir bist
Ko' nix gebn ois dass i dir mi schenk
wei i auf di steh
di vermiss wonn i geh
und i froh bin dass' di gibst

Is ned long her dass i am Bodn woa
Du host mi zu dir auffaghoit
I glaub afoch dass des da Lohn woa
fia Nächst ohne Schlof
und fia Frust jedn Tog
dass i fost nimmer lebn weit
Wooho...

Du mochst dass die Sonn scheint in mein
Lebn
Mit dir is mei Tog nimmer grau
Mecht mit mir a Foab a in dein' gebn

wei i auf di steh
di vermiss wonn i geh
und in' Himme mit dir schau

Und wonn amoi a Woikn am Himme
steht
donn woat i dass' vo söba wieder
vergeht

Und wonn amoi a Woikn am Himme
steht
donn woat i dass' vo söba geht

Sooft i aufwoch...
wei i sonst nix hob
di wia mi söba mog
und i froh bin dass' di gibt
wei i auf di steh
di vermiss wonn i geh
und i froh bin dass' di gibt
Wooho...
dass' di fia mi gibt

10 - Guade Freind

I bin dei Freind bei jedm Stuam,
a wonn die Sonn ned scheint
I hoit zu dir, gonz gleich wos kummt,
i bin dei guada Freind

Mir zwoa san aus'n söbn Hoiz,
scho modrig und leicht o'gfeit
Mir hoitn zsomm und gebn ned auf,
wei mir san guade Freind

I gspia dass du genauso fühst
wia i und des is sche'
So a Freindschoft is wos du a wüst
Wos Schenas ko's ned gebn

Bei dir fuh' i mi guat aufghobn,
auf di ko' i zöhn,
do deaf i sei so wia i bin
und muaß mi ned verstön

Und wonns'd mi amoi beleidigt,
denk i ma er moant's ned schlecht,
und wonns'd mi donn verteidigt,
woaß i genau i hob wieder Recht

A Freind wia du, der gfreit si ned,
wonn's an ned so guat geht
A Freind is nua wer ned glei locht,
wonn ma an Bledsinn mocht

I gspia du fühlst genau wia i
Am meistn zöht im Lebn
a Freind, der fia di olles gibt
Wos Schenas ko's ned gebn

I bin dei Freind in jedm Stuum,
a wonn de Sohn ned scheint
Gonz gleich wos kummt, i bin und bleib
oiwei dei guada Freind
Mia hoitn zsomm und gebn ned auf
Mia zwoa san guade Freind

11 - Woatn auf di

Mei Lebn hot koan Sinn,
mei Lebn hot koan Sinn
Mei Lebn is so öd und la'
Mei Lebn hot koan Sinn

I woatad auf di,
i woatad auf di

Mei Lebn is so öd und la'
I woatad auf di

Oamoi woa a i jung,
oamoi woa a i jung
Host mi oft aufgefongt und trogn, Mama
De Zeit is long um

Wonn du mi umoama tatst,
gang's tiaf in mei Sö'n
und i miaßt nimmer Sterndl zöhn

Mei Lebn is so la',
mei Lebn is so la'
Mecht di a in meine Oam nehma
Mei Lebn is so schwa

Wonn du mi...

I woat nua auf di,
i woat nua auf di
Mecht di a in meine Oam hoitn
I woat nua auf di
Mecht di fest in meine Oam hoitn
I woat no auf di

12 - He Hans

He, He Du, ois wos du dazöhist is a Lug
und weis'd a bescheißt, gehst jedn scho
long am Geist
Hoitst olle fia bled, host söm oan kloan IQ
I sog He, He Du

He, He Hans, hoach her wei i sog da jetzt
oans
Red ned oiwei bled und sei amoi nett
wonn's geht
I bin no dei Freind, drum gib da a Chance
I sog He, He Hans

Owa du bleibst du und änderst di ned,
ko'st ned aus deiner Haut
Du redst so gscheit und bist so bled
I hoit di nimmer aus

He, He Hans, i gib da a letzte Chance
Red ned oiwei bled und sei amoi nett
wonn's geht
I bin no dei Freind, drum nutz dei Chance
I sog He, He Hans

Owa du bleibst du, ignorierst mi gonz,

drum Seavas, Pfiat di, Hans

13 - Schau, schau, schau

Wia i z'letzt ei'kaufn woa
bin i zum Supermoakt
Die Tiefgarage woa vü zu kloa
und mei Wogn a bißl z'broat

Schau, schau, schau
donn siagst as gonz genau
schau, schau, schau
donn siagst as gonz genau

Wonn i meine mails o'schau
und du sitzt nebn mir
liest wos geht und fühlst di schlaue
tuast no so ois götn's dir

Schau, schau...

Die Neigier is nix Schlechts on sich
a echte Menschlichkeit
fia'n ondern oftmois ärgerlich
bei dir geht's ma a bißl z'weit

Seit i a neie Freindin hob
riaht si dei Vorhang oft
gscheider du leitst bei mit o'
kennt jo sei' dass sie aufmocht

Schau, schau...

Leit amoi es Telefon
donn komma auf di zöhn
du bleibst auf olle Fälle do
anstott a bißl weggaz'geh'

Die Neigier...

Hurch, hurch, hurch
donn blickst voikommen durch
hurch, hurch, hurch
und stehst ned nebn die Schuach
und schau, schau, schau
donn siagst as gonz genau
schau, schau und ciao
du bist ma oafoch z'schlaue

14 - Wonn i di rockn hea

I gspia a Feier wonn i di siag

a richtigs Feier, hoff dass i di kriag

Bist so cool und i bin hoaf,
ko' ned stüsteh', oiwei auf da Roas
I gang durch's Feier dass i di kriag
Bringt mi ned weider dass i di nua siag

I gspia a Feier wonn i di rockn hea,
a doppets Feier, oiwei mehr und mehr

Du bist so cool und i bin hoaf,
ko' ned stüsteh', i glaub i renn im Kroas
Do is a Feier, wird mehr und mehr
Mocht mi no geiler wonn i di rockn hea

wonn i di rockn hea...

I gspia a Feier wonn i di rockn hea
a richtigs Feier, oiwei mehr und mehr

Bist so cool und i bin hoaf,
ko' ned gnuag kriagn vo deine schrägn
Chords

I gspia a Feier, hoaf wia de Sunn
und du rockst weider, bringt mi fost um,
rockst oiwei weider, bringt mi fost um




Erich Lindenthaler ist „nua a rock'n'roller“ – aber was für einer!

Waren seine Texte auf den bisherigen CDs meist in Englisch, hat sich der Musiker bei der neuen CD dem Deutschen und besonders dem Dialekt verschrieben: „nua a rock'n'roller“ heißt das neue Werk.

Die Stilrichtungen sind die gleichen geblieben, aber mit deutschen Texten erhalten die Songs eine ganz besondere, frische und tiefe Note.

Lindenthalers markante, unverwechselbare Stimme trifft auf kongeniale Musiker, wie die Ausnahme-Gitarristen Tom Reif und Oliver Loy, die Top-Bassisten Klaus Kircher und Peter Gruber sowie die großartigen Drummer Christian Lettner und Willy Hackl, den bekannten Pianisten Martin Gasselsberger und die Harp-Koryphäe Sepp Schwarz. Andreas See steuert ein bemerkenswertes Sax-Solo bei. Für die gesangliche Ergänzung sorgt die gefragte Sängerin Sabine Stieger.



nua a
rock'n'roller